


KANNEN ER VOUALH




Er voualh e ge-mér hé hui-tel Pe lausk en



dud koh ou man-tel, Hag e choéj en toñnieu kaér-



ran A-veit kañnein en neué-han, Aweit kañ-nein



en ne-ué-han.

1.

Er voualh e gemér hé huitel
Pe lausk en dud koh ou mantel.
Hag e choéj en toñnieu kaèrran
Aweit kañnein en neué-han.

2.

O pelleit, hui, aùél ha glaù,
Amzér kri, amzér divalaù.
Assès é omb bet kastiet
Dré er gonian hir ha kalet.

3.

Hui estig ha hui trubunel,
Joéntet hou poéh doh me huitel,
Eit kañnein hemb cess noz ha de
É ma deit en amzér neué.

4.

Hui tud iouank ha hui tud koh,
N'en doh hui bremen joéiussob;
Kañnamb enta, rag en drougeu
E zou chanjet ol é joéieu.

5.

N'en dès mui nitra de zoujein
Nag anemiz de gombattein;
Ni e hel, a volanté vad,
Kañnein reih ha gobér chervad.

6.

En natur, en doar hañ er gué
E gemér ol ou leuiné;
Rag ol en treu, hemb labourat,
A zé de zé e za de vad.

7.

Trompet oh èl-kènt mar kredet
É tei en treu d'oh é kousket;
Rak birùikin ne zeï argant
É ti en dén lâch ha féniant.

8.

Nag é vehé er blé eurus,
D'ur féniant é ma maleurus;
Labouret enta mar doh fin,
Ha troeit en doar én hou jaldrin.

9.

Ur goh vod e lar : « Pe hadér,
É kavér treu hag é estér ; »
Mes pèh ur boén zou d'er gouian
Pe ne vé ket huizet d'en han.

10.

Saüet mitin, saüet bamdé,
Ha n'hou pou ket a leuranté ;
Mes en dout treu ha kousket ré
E hra bout peur kent eid ur blé.

11.

Me zou bet ér Frans hag ér Spagn,
Én Angleterr hag én Almagn,
Ha jamés ne mès bet guélet
Ér féniandet bout doktored.

12.

Hui e gav é oh tud abil
Pe iunet d'en déièu vijil,
Mes kent bout ker fin èl ur voualh
É vou ret t'oh iunein hou koualh.

13.

Kent el livreu hag er skritur
É oen mè doktor a natur ;
Me choéjé partout lein er gué
Eit laret splann er huirioné.

14.

Me honér partout ha, dré mémoér,
Er goh lez n hag en histoér ;
Ha, dré ma saüan goal vitin,
Ne mès bet tam poén é tiskein.

15.

Me houér eué er spagnolaj,
Mes er breton zou guel langaj.
« Kin ! kin ! kin » e zou me soñnen,
Hi e zou breton pen-d'er-ben.

16.

Èl ma laran « kin ! kin ! » perpet,
E klasq en dud gout me segred
Mes me langaj e zou « koh ! koh ! »
Bremen n'hellein monnet pellob.

17.

Lod e lar d'ein é on friand
Ha lod aral é on gourmand,
Mes pe zèbran eit bout « kuit ! kuit ! »
É on kentoh ur sant ermit.

18.

Me zèbr en treu én ou natur,
Hemb klasq alén na konfitur.
Me zèbr èl-kent er péh zou mat,
Mes hemb bout jamés délikat.

19.

Me houér e mès tud amied
E lar d'ein monnet d'ou guélet ;
Mes pe gollér el liberté
É ma rei gir en amitié.

20.

Biùet e mès get me huitel,
Hantér divanch ha divantel
Zou guel genein eit bout én ti
Étal en tan hag én abri.

21.

Ne mès matéh na keginour,
Ila me viù èl-kent get inour;
Hag a viskoah e mès er choéj
A ol en treu e gousk er méz.

22.

Kuitans memb en e mès tennet
Eit n'em bou rézidans erbet;
Me zud ém raug e ré èl on
Ha jamés n'en d'int bet lèron.

23.

Dihoallet eùé, drès peb tra,
A laret a nehé nitra;
Rak choéjet omb-ni bet get Doué
Eit distroj er prinùed bamdé.

24.

É kreiz hou poén hag hou labour
É huitellan étal hou tor
Eit dischuéh ha difatigein
Hou kalon karget a chagrin.

25.

Pe ne huélan ket a zanjer
É tostan d'oh é peb amzér,
Ila me gañ nezé get dasson
Eit rein plijadur d'hou kalon.

26.

Étal hou ti hag én henteu
É on partout ar er bodeu,
Hag é kañnan glér hag inour
De gement e zou passajour.

27.

Dré me muzik, ag er mitin.
É laran d'oh bean mat sañein,
Hag é tan hoah, liès én dé,
D'hou vizitein get karanté.

28.

Aveit hou lakat tout koutant
É on eid oh ur voualh argand,
Hag eit hou miret a laret
Ne talv ket er boén me sellet.

29.

Mui a vad e ra d'er galon
Ur voualh e huitel ar bep ton
Eit ne ra er gloéh ag en éan
De ol en doar é kreiz en han.

30.

Perag enta pe ran d'oh vad
É oh-hui doh ein ken ingrat?
Ah! casset a me hoal gonzein
Ha ne glasket ket me lahein.

31.

En han e vé perpet kaérroh,
Er jaldrinieu joéiussoh,
Pé gleuér én hé, peb mitin,
Er voualh doh hum réjoéissein.

32.

N'en dé kaér na bourrabl ur vro
Ma ne vé moualhi ar en dro.
Ur voualh e gañ é pen en ti
É tal kant skouéd ha marsé mui.

33.

Aveit kañnein d'en neüé-han
É on-mé perpet er getan ;
Hag a pe cess er pechoned.
Me mès-mé hoah treu de laret.

34.

Boéh er voualh e zou ker joéius,
Hé mélodi ker grasius.
Me vehé ankoéhc'i. débrcia
P'hi hleuér trankil é kañnein.

35.

Guélet d'en han ol ér mézen
Jaldrinieu kaër ha bokéteu
É hra joé ha vad d'er galou
Pe gleuér ur voualh ér hanton.

36.

Dré en héaul é ma kaër en dé.
Ha dré en deliaù ol er gué,
Hag en amzér n'en dé ket fin
Ma ne gañ er voualh de vitin.

37.

Kent gobér hént ha monnet pèl
Sellet mèn é ia me huitel ;
Rak guel vou paud hou condision
Mar d'oh tud a brékausion.

38.

Er gouian memb e vé doussoh
Dré ma krian d'en ol : « kuoh ! kuoh ! »
Ha mar hou dès arlerh mizér,
En hum dennent ag en affér.

39.

Èl m'en dé rekis me havet
È on èué dré ol er bed
È kañnein en amzér neùé :
Ah ! perak n'en d'oh lui bamdé !

40.

Me houér assès kent me lauskein
È fal d'oh hoah m'interrojein,
Eit gout perak me sei zou du
Deusto n'en d'on ket un eutru.

41.

Mem beg ha deulegad milein
È garehob hoah devinein,
Mes hiniù ne mès chet amzér :
Red-é gortoz bet déguiné.